

金匱要略編注

張仲景金匱要畧卷二

構李沈明宗目南甫編訂

瘧

陽病發熱無汗反惡寒者名曰剛瘧、太陽病發熱
出而不惡寒者名曰柔瘧、

此以風寒二證辨定剛柔二瘧也、瘧病由於太陽
受寒、濕邪或傷風受濕而變爲瘧、故提太陽
發熱無汗反惡寒之寒傷營證爲剛瘧、發熱汗出
不惡寒之風傷衛證爲柔瘧、然未具低頭視下脊
強反折仲景遂爲瘧者何也、蓋欲明其無汗惡寒

營實爲剛。瘧之始有汗。不惡寒。衛虛爲柔。瘧之先。故揭此二條著其要領也。

太陽病發熱。脉沈而細者。名曰瘧。爲難治。

此明瘧病必挾濕也。太陽病發熱。卽寒傷營分。而脉沈細。不見下利。手足逆冷。是非裏寒外熱之比。乃太陰濕盛。滯於太陽。凝滯氣血。經筋將來背反張。硬或低頭視下。發如癎狀。勢必卽至。所以未兆之先。直斷爲瘧。此太陽而見太陰。賊尅之脉。故曰難治。

病者身熱足寒。頸項強急。惡寒。時頭熱。面赤。目赤。獨

頭動搖、卒口噤、背反張者、瘧病也。若發其汗者、寒濕相得其表益虛、卽惡寒甚、發其汗已、其脉如蛇。○暴腹脹大者、爲欲解、其脉如故、反伏弦者、瘧。○夫瘧脉按之緊而弦、直上下行、

脉經云瘧家其脉伏堅直上下

此言治瘧不可大汗也。寒濕滯於太陽經筋、格陽於上、身熱而足寒。太陽經脉受邪、則頸項強急、寒濕居下、陽不下達、足寒而頭熱。太陽而兼陽明、發面目赤、而卒口噤。太陽與督脉風爲主病、獨頭動搖、背反張、而爲瘧病。蓋瘧乃經筋陽虛而受陰濕、治之不可大發其汗。汗則氣傷而邪反不去。寒濕

相得反爲留連致表益虛而惡寒甚陽傷濕盛則
脉堅動動猶如蛇乃譬捥紐奔迫之狀也○暴腹
脹大者似乎邪傳太陰暴煩自利欲解之徵若其
脉仍如故而反伏弦要知汗傷其陽邪氣內傳而
爲太陰瘕矣○太陽經筋原挾督脉而行筋受寒
濕脉緊弦而強直上下經謂督脉爲病脊強反折
正指此瘕而言也

太陽病發汗太多因致瘕○夫風病下之則瘕復發
汗必拘急○瘡家雖身疼痛不可發汗汗出則瘕
此三條乃明他病汗下不當則變瘕也太陽病是

當發汗散邪，然過汗則傷津液，氣血經筋無養，筋枯攣縮，則爲瘰矣。○風病下之，則傷陰血，血不濡筋，以故作瘰，復發其汗，又傷陽氣，以致陰陽津液俱傷，不能榮養筋脉，勢必拘急而爲瘰也。○瘰家營血素虧，若發其汗，更傷血液，筋脉無養，則成瘰矣。以上治他病汗下之後而變瘰者，務必參明此意，施治則善。

瘰病有灸瘡難治

此有灸瘡致瘰也。灸瘡乃用艾火燃之，百脉炅通，經穴疎暢，血氣因膿而虧，汗吐下三法皆不能施。

故曰難治

太陽病其證備身體強凡凡然脉反沈遲此爲瘧括
萸桂枝湯主之

此出柔瘧之方也太陽證備身體強故爲瘧病凡
凡然者如短翼之鳥欲飛而不能飛之狀是兼陽
明矣然風少濕多侵於肌肉以致脉沈濕鬱氣滯
脉則遲矣若以太陽較之其脉當浮此得太陰濕
脉故脉反沈遲此之沈遲必然有力非虛寒軟弱
之比故爲病瘧然雖不言有汗之柔瘧此用桂枝
湯和營衛而解太陽衛分之邪括萸能清胸膈之

熱不出有汗風傷衛之大法可以意會

括蕒梓枝湯方

括蕒根

三兩

桂枝

三兩 去皮

甘草

二兩 炙

芍藥

三兩

生薑

三兩 切

大棗

十二枚 擘

右六味，咬咀，以水七升，微火煮取三升，去滓，適寒溫服一升。

太陽病，無汗而小便反少，氣上衝胸，口噤不得語，欲作剛瘕，葛根湯主之。

此出剛瘕之方也。太陽病無汗，是同寒傷營證，但濕鬱腠理，氣化不行，故小便反少。邪入陽明，則氣

上衝胸而口噤不得語故曰欲作剛瘕此太陽而
兼陽明經腑大筋受邪所以無汗故用桂枝湯和
營衛加葛根麻黃汗解太陽陽明兩經寒濕之邪
也

葛根湯

葛根

四兩

麻黃

三兩
去節

桂枝

二兩
去皮

甘草

二兩
炙

芍藥

二兩

生薑

三兩
切

大棗

十二枚
擘

右七味以水一斗先煮麻黃葛根減二升去上沫
內諸藥煮取三升去滓溫服一升覆取微似汗
瘕爲病胸滿口噤臥不着席脚攣急必介齒可與大

承氣湯

此太陽陽明之瘕也。太陽之邪內入，爲胸滿，並侵陽明經筋，則口噤，臥不着席，脚攣急者，太陽角弓反張之變辭。介齒者，陽明口噤之變辭也。此太陽陽明兩經合爲瘕病，故曰可與大承氣。僅疏陽明之邪耳。尚論謂太陽之邪，並兼陽明，其勢非緩法能解。用大承氣，使太陽陽明之邪盡從中土而出。蓋大承氣由胸至胃腸，而陽明邪去，勢如奔馬。若太陽之邪未必盡由中土而出，表反內入，不爲害乎。詳仲景是欲狹小其制，惟疏陽明之邪，故曰可。

與亦商酌之意讀者詳之

大承氣湯

大黃

酒洗

厚朴

半斤炙去皮

枳實

五枚炙

芒硝

三合

右四味以水一斗先煮枳朴二物取五升去滓內

大黃煮取二升去滓內芒硝更上微火一兩沸分

溫再服得下餘勿服

論曰瘕乃強直之貌始因太陽感受風寒更兼濕

邪粘着經筋故為瘕病經謂諸瘕項強皆屬於濕

也然寒濕相合為剛瘕風濕相合為柔瘕但發於

太陰濕令膀胱受邪而有六經傳變虛實寒熱多

少之分耳。如新產血虛多汗出。喜中風而病瘥者。乃血虛受風成瘥。後人更名產後驚風。失其旨矣。本論首條發明無汗爲剛。有汗爲柔。次以太陽發熱而脈沈細。是兼太陰寒濕土來尅水。故爲難治。三條出其瘥證之備。又戒發汗而傷其陽。又謂太陽病發汗過多者。風病下之者。瘡家身疼者。瘥病有灸瘡者。乃他證之戒。是非遂爲瘥矣。以括薑桂枝葛根二湯發明表證虛實之治。而傳幾簡證使人做此消息活法治之。有竹葉湯加附子以治產後頸項強。乃陽虛濕盛之瘥。大承氣湯或見內實。

原有疏解、非爲攻下而設、示此諸法、明其大綱、而
令人觸類旁通、以虛實寒熱、臨證化裁、爲尚、勿以
三方定治二瘥之法爲盡耳、蓋方中行傷寒條辨、
謂小兒角弓反張、手足抽搐、後世兒科、捨名驚風、
誤治、謂非驚風、亦爲瘥病、余詳此、乃少陰少陽客
氣所至、爲驚爲惡、感冒熱邪所致、實非驚風、並非
瘥病、故詳及之、

再按本論以太陽病有汗表虛爲、瘥、無汗表實
爲剛瘥、是以虛實而定剛柔、其辨最切、後人妄以
角弓反張爲剛、低頭視下爲柔、謬之甚矣、經謂陽

急○則○反○折○陰○急○則○俛○不○伸○乃○指○胸○背○而○言○也○殊○不
知○太○陽○經○筋○行○身○之○背○挾○脊○並○督○脉○上○行○顙○頭○寒
濕○侵○入○大○筋○故○顯○軟○短○拘○急○而○爲○角○弓○反○張○無○汗
故○爲○剛○瘳○而○有○汗○則○爲○柔○矣○陽○明○經○筋○行○身○之○前
故○低○頭○視○下○肘○膝○相○構○若○有○汗○爲○柔○而○無○汗○則○爲
剛○矣○及○至○傳○進○三○陰○經○脉○皆○行○於○裏○但○見○拘○急○則
膝○相○構○俛○而○不○仰○並○無○角○弓○反○張○之○勢○豈○不○爲○瘳
乎○然○剛○柔○誠○因○表○之○虛○實○汗○之○有○無○爲○的○若○以○俯
仰○辨○之○卽○如○少○陽○經○絡○行○身○之○側○一○手○一○目○斜○視
抽○搐○而○無○俯○仰○以○何○辨○別○剛○柔○讀○者○詳○之

濕

濕家之爲病、一身盡疼、發熱、身色如薰黃也、

此概言傷濕之病也。經云：濕淫所勝，太陽受邪，流於關節，肌表之間，血凝氣滯，則一身盡疼，發熱邪正鬱遏，化爲濕熱，蒸騰發越於肌肉皮膚之間，故顯爲黃。然濕爲陰邪，以陰從陰，感於血分，身色猶如薰黃。若風邪入於陽明，衛分黃如橘子色矣。太陽病，關節疼痛而煩，脈沈而細者，此名中濕，亦曰濕痺。其候小便不利，大便反快，但當利其小便。此中濕表裏並言也。濕淫所勝，流於太陽關節，發

氣不和、則關節疼痛、陽鬱不伸、故發煩也、蓋濕傷陰、土脾陽氣滯、脉當沈細、則爲中濕、若胃家陽土受邪、發熱、脉緩浮大、廼爲傷濕矣、然濕傷於營、粘着不移、故曰濕痺、膀胱氣化不行、故小便不利、邪流大腸、則大便反快、但當利其小便、使周身之濕自從小便而出、乃濕淫於內之正治也、

濕家病、身疼發熱、面黃而喘、頭痛鼻塞而煩、其脉大、自能飲食、腹中和無病、病在頭中、寒濕故鼻塞、納藥鼻中則愈、

此濕淫於上、與濕從下受不同也、濕邪感於太陽、

與肺氣相合氣鬱於表故身疼發熱面黃而喘頭
痛鼻塞而煩也邪居於表故脉大自能飲食者腹
中和而無病當責病在頭中寒濕寒濕者以濕屬
陰故也蓋鼻爲肺竅肺氣受濕則鼻塞故當納桑
鼻中搐去黃木俾肺氣通調大氣一轉肌腠開而
濕痺解矣

濕家身煩疼可與麻黃加朮湯發其汗爲宜慎不可
以火攻之

此傷濕之方也寒濕居表營實陽鬱故無汗而身
煩疼須得微汗則解所以麻黃湯加白朮取微微

似汗則表濕俱去。木得麻黃燥濕安土之功更倍。若以火攻必致大汗淋漓陽脫邪陷為患不淺。故當戒之。

麻黃加木湯

麻黃

三兩
去節

桂枝

二兩
去皮

甘草

一兩
炙

白朮

四兩

杏仁

七十箇
去皮尖

右五味以水九升先煮麻黃減二升去上沫內藥煮取二升半去滓溫服八合覆取微似汗。濕家其人但頭汗出背強欲得覆被向火若下之盛則臑或胸滿小便不利舌上如胎者以丹田有熱胸

上有寒渴欲得飲而不能飲則口燥煩也

此言表濕誤下邪陷之變也。濕滯所勝痺着太陽身背則強鬱遏陽氣不得下達氣反上蒸故頭汗出。若太陽病不發熱背強欲得覆被向火乃屬衛虛濕盛則當溫經散邪爲正。此不溫經而反下之。濕邪乘虛陷入胸間則噦而胸滿與結胸痞氣頗同。胸邪拒格肺不通調故小便不利。熱蒸津液滯於舌則舌上如胎實非胎也。下則傷陰陰傷則火盛於下爲丹田有熱邪陷於胸爲胸上有寒寒卽濕也。邪格陽氣在上燥爍津液則渴欲得飲而

濕陷胸中制燥故不能飲但口燥煩也

濕家下之額上汗出微喘小便利者死若下利不止者亦死

此濕家誤下致死也中濕之人內陽必虛濕邪在表但欲微微似汗而散經謂濕淫所勝治以芳熱佐以酸淡燥泄濕邪內經之正法也誤以峻劑下之徒傷脾腎之氣陽從上脫則額上汗出而喘陰從下脫則二便滑利不止故皆主死論曰金匱方論六條以濕淫所勝胸脘受邪顯一身盡疼發熱身如薰黃乃邪正鬱蒸之證也關節

疼痛而煩者太陽表邪而兼太陰裏證背強欲得
覆被向火者陽虛濕盛爲寒濕而兼誤治之變然
邪從外入須從外出故用麻黃加木湯開腠通陽
燥濕而爲治病之常若身疼發熱面黃而喘頭痛
鼻塞而煩非傷太陽乃濕傷於上故納藥鼻中取
嚏散邪因病變法亦變矣蓋濕邪傳裏經有濕滿
於內治以苦熱佐以酸淡若濕熱爲病當易苦寒
是爲正法不似傷寒直施攻下致傷中氣輕變則
爲胸上有寒丹田有熱重則上焦陽脫額上汗出
微喘下焦陽脫則前後二便自利故皆主死此乃

仲景欲人以表裏寒熱虛實脉證常變之法臨證化裁處方爲治病之權衡非僅麻黃等湯遂爲一定之法也

風濕

病者一身盡疼發熱日晡所劇者此名風濕此病傷於汗出當風或久傷取冷所致也可與麻黃杏仁薤白甘草湯

此風濕兩傷表實之方也風傷於衛濕傷於營邪在太陽陽明兩經營衛之間濕則一身盡疼風則發熱經云地之濕氣感則害人皮肉筋骨然濕多

風少侵於肌肉內連胃腑故日晡申酉陽明王時
則劇蓋汗乃屬濕汗出未乾當風取冷風汗乘虛
侵入風濕合而成之故曰汗出當風久傷取冷所
致但無汗為表實用麻黃開腠通陽以驅營中之
邪甘草和中薏苡淡燥陽明風濕而健脾奠土杏
仁以通肺氣則二經風濕無不解矣

麻黃杏仁薏苡甘草湯

麻黃

錢五

杏仁

十箇去
皮尖

薏苡

錢五

甘草

一兩
炙

右剉每服四錢七水盞半煎八分去滓溫服有微
汗避風

風濕相搏、一身盡疼痛、法當汗出而解、值天陰雨不止、醫云此可發汗、汗之病不愈者何也、蓋發其汗、汗大出者、但風氣去、濕氣在、是故不愈也、若治風濕者、發其汗、但微微似欲汗出者、風濕俱去也。

此治風濕表實不可大汗也、風濕傷於營衛之間、邪正相搏、一身盡疼、發熱、法當汗出而解、值天陰雨濕、陰過盛、陽虛不當發汗、而大發其汗、更傷其陽、風性輕揚、易去濕邪、重濁留滯、故不愈也、欲治風濕者、但貴微微似汗、風濕俱去、若汗過多、反致病劇矣。

風濕脉浮身重汗出惡風者防已黃芪湯主之
此風濕表虛之方也脉浮爲風邪在衛身重爲濕
氣在營風多於溼表虛不固汗出惡風然衛虛不
可再汗所以甘朮去濕安中黃芪實表散邪惟仗
防已善驅風濕固護衛氣之中畧具驅邪之一面
耳

防已黃芪湯

防已

兩

黃芪

兩

甘草

炙

五錢

白朮

五錢

分

右剉每抄五錢七生薑四片大棗一枚水盞半煎
八分去滓溫服喘者加麻黃五錢胃中不和

者加芍藥三分。氣上衝者加桂枝三分。下有
陳寒者加細辛三分。服後當如蟲行皮膚中。從
腰下如水。後坐被上。又以一被繞腰。以下溫。令有
微汗差。

風濕相搏。骨節疼煩。掣痛。不得屈伸。近之則痛劇。汗
出短氣。小便不利。惡風。不欲去衣。或身微腫者。甘草
附子湯主之。

此陽虛邪盛之證也。風濕傷於營衛。流於關節。經
絡之間。邪正相搏。骨節疼煩。掣痛。陰血凝滯。陽虛
不能輕蹻。故不得屈伸。近之則痛劇也。衛陽虛而

汗出裏氣不足則短氣而小便不利表陽虛而惡風不欲去衣陽傷氣滯故身微腫然表裏陰陽並虛邪實故用甘木附子助陽健脾除濕固護而防汗脫桂枝宣行營衛兼去其風乃補中有發不驅邪而風濕自除蓋風濕證須識無熱自汗便是陽氣大虛當先固陽為主

甘草附子湯

甘草

二兩

附子

二枚

白朮

二兩

桂枝

四兩

右四味以水六升煮取三升去滓溫服一升日三初服得微汗則解能食汗止復煩者服五合恐一

升多者服六七合爲佳。

傷寒八九日風濕相搏骨節疼痛不能自轉側不嘔不渴脉浮虛而濇者桂枝附子湯主之如大便堅小便自利者去桂加白朮湯主之。

此傷寒未解重感風濕之邪也傷寒八九日肌表已虛外邪易襲重感風濕營衛不和故身體疼痛陽虛不能輕蹻不能自轉側不嘔不渴者裏無病而證在表脉見浮虛濇者因先發汗而傷陽氣重襲風濕痺着三陽故以桂枝湯去芍藥之酸收和營衛而去表風加附子行陽逐濕以開風濕之痺。

若中虛邪陷逼迫津液偏滲前陰不潤腸間則大
便堅小便自利所以去走表之桂枝加白朮安中
而生營血津液滋潤腸間之燥耳

桂枝附子湯

桂枝

四兩
去皮

附子

三枚
炮
去皮

甘草

二兩
炙

生薑

三兩
切

大棗

十二
枚
擘

右五味以水六升煮取二升去滓分溫三服

白朮附子湯

白朮

一兩

附子

一枚
炮
去皮

甘草

二兩
炙

生薑

一兩
半切

大棗

六枚
擘

右五味以水三升煮取一升去滓分溫二服一服覺身痺半日許再服三服都盡其人如冒狀勿怪卽是木附並走皮中逐水氣未得除故耳

論曰經謂風寒濕三氣雜至合而爲痺可謂邪之繁也病之盛也金匱更拈風濕二邪合病誠補內經之未發蓋風傷於衛濕傷於營營衛兩傷在表則一身盡疼發熱內連陽明肌肉日瞞則劇若流關節風濕相合而爲歷節矣然風濕一證須分濕多風少無汗而爲表實風多濕少脉浮身重汗出而爲表虛以麻黃杏仁薏苡甘草湯通陽展濕而

治表實防已黃芪湯固腠散邪而治表虛此乃表證虛實之常也若骨節疼痛掣痛不得屈伸近之痛劇汗出短氣乃濕陰邪盛內外陽虛與前常法不同以甘草附子湯固護真陽而防陽脫更有傷寒表未全解重感風濕亦因陽微氣弱營衛不充故以桂枝附子湯行陽勝濕調中而祛表邪此與內外陽虛又不同矣然風濕發汗與傷寒發汗亦殊風性輕揚濕邪粘滯但欲微汗則除不然風去濕存病變增劇仲景欲人以營衛陰陽表裏虛實處方但以四方爲立方之法則可不可以爲治風

濕之常技也。

暍

太陽中熱者暍是也。汗出惡寒。身熱而渴。白虎加人參湯主之。

此言正暑病也。邪之傷人。無有不從皮毛而入。故曰太陽中熱。但汗出惡寒。身熱似乎太陽感冒而太陽風寒。必無作渴之理。此無形暑熱傷於皮毛。內應於心。心氣熱而汗出。肺氣受傷。則惡寒邪居氣分。故身熱而渴。即動而得之。爲中暑。此暑乘肺金。以白虎湯清金養胃。生津止渴。暑自清矣。

白虎加人參湯

知母

六兩

石膏

一觔碎
綿裹

甘草

二兩
炙

粳米

人參

三兩

右五味以水一斗煮米熟湯成去滓溫服一升日三服

太陽中暍發熱惡寒身重而疼痛其脈弦細芤遲小便已洒洒然毛聳手足逆冷小有勞身即熱口開前板齒燥若發其汗則惡寒甚加溫鍼則發熱甚數下之則淋甚

此暑月陰濕鬱遏肌表外寒裏暑合病也經云巨

陽主氣而先受邪。凡屬外感皆從太陽而入。故曰
太陽中暍。此由避暑納涼。陰濕外束。暑伏於內。表
見發熱惡寒。身重疼痛。而兼濕滯。故脉弦細。或
遲而虛也。夫小便必得膀胱氣化則出。故小便時
而氣化下行。皮毛失其護衛。故小便已洒洒毛聳。
手足逆冷。若小有勞。擾動內暑。發越於外。而身即
熱。蓋腎主骨。齒乃骨之餘。暑傷腎水。不能上制心
火。爍乾口齒。故口開前板齒燥。夏月陽氣疎洩。膀
胱氣虛。受邪設發其汗。更傷其陽。則惡寒甚。若溫
鍼反助內暑。故發熱甚而下則傷陰。陰水耗而小

便則淋。此卽靜而得之。內外合邪。表同外感。當以
辛涼解表。甘寒清裏。卽後人所用香薷飲之類。不
似傷寒而用甘熱發表。故汗下溫鍼在所必戒耳。
太陽中暍。身熱疼重。而脉微弱。此以夏月傷冷水。水
行皮中。所致也。一物瓜蒂湯主之。

此傷暑之時。非傷暑邪也。太陽氣虛。則受水邪。陽
氣抑鬱。身熱疼重。而脉微弱。以故汗法難施。惟宜
瓜蒂湯湧吐。其邪俾胸中大氣一轉。膀胱與肺氣
開洩。通調水濕。自從汗便兩解。乃精義入神之妙
法也。

一物瓜蒂湯

瓜蒂

二十箇

右剉以水一升煮取五合去滓頓服

論曰經謂氣虛身熱得之傷暑暑傷於表也因於暑汗煩則喘喝靜則多言者傷於裏也後夏至日爲病暑者時令暑病之常也本論謂中暍汗出惡寒身熱而渴者暑傷元氣之正病以白虎湯益氣清金太陽中暍發熱惡寒身重疼痛其脉弦細芤遲者內暑而兼陰濕之變也身熱疼重而脉微弱夏月傷水者乃傷暑之時非傷暑之邪以瓜蒂湯

乃病變法亦變矣。故治暑病須合內經金匱常變之法則備。

霍亂

病有霍亂者何。答曰。嘔吐而利。名曰霍亂。

此言吐而瀉利。謂之霍亂也。內積痰飲。飲食。或挾外邪。內外合邪。爲病。前人列於傷寒論中。今移於此。然霍亂雖因外邪。却在夏末秋初。四時間或有之。實因內蓄積飲。傷食而受風寒。肝脾不和。陡然上吐下瀉。故爲霍亂。下條頭疼發熱。乃兼表邪也。

問曰。病發熱頭痛。身疼惡寒。吐利者。此屬何病。答曰。

此名霍亂、自吐下、又利止復更發熱也、

此言霍亂而帶表證也、發熱頭痛身疼惡寒者、外感風寒表證、風寒乘胃而夾痰、飲食積鬱遏正氣、不得宣行、陡然上吐下瀉、謂之霍亂、若吐利已止、復更發熱、乃裏氣和而表邪未解、當從傷寒解表之法、或無表證、但有腹痛吐利、此爲小邪入裏、當以和裏爲主、

霍亂頭痛發熱身疼痛、熱多欲飲水者、五苓散主之、

寒多不用水者、理中丸主之、

五苓散方見痰飲

此言霍亂須分寒熱而治也、頭痛發熱身疼痛者、

風寒傷於表也。外風而挾內熱。食痰以致吐利。必欲飲水。當以五苓兩解表裏。使邪從汗出。裏邪即從小便而去。不欲飲水者。寒多無熱。胃陽氣虛。當以理中丸溫中散寒為主。此以表裏寒熱辨證治。病則霍亂一證畢矣。

理中丸

人參

甘草

炙

白朮

乾薑

已上各三兩

右四味搗篩爲末。蜜和丸。如鷄子黃大。以沸湯數合和一丸。研碎。溫服之。日三夜二。腹中未熱。益至三四丸。然不及湯。湯法以四物依兩數切。用水八

升煮取三升去滓溫服一升日三服

加減法

若臍上築者腎氣動也去木加桂四兩吐多者去
木加生薑三兩下多者還用木悸者加茯苓二兩
渴欲飲水者加木足前成四兩半腹中痛者加人
參足前成四兩半寒者加乾薑足前成四兩半腹
滿者去木加附子一枚服湯後如食頃飲熱粥一
升許微自汗勿發揭衣被

吐利止而身痛不休者當消息和解其外宜桂枝湯
小和之

利汗出發熱惡寒四肢拘急手足厥冷者四逆湯

五之方見少陰

張仲景金匱要略卷二

寒

張仲景金匱要畧卷三

構李沈明宗目南甫編註

百合

論曰百合病者百脉一宗悉致其病也意欲食復不能食嘗默默欲臥不能臥欲行不能行飲食或有美時或有不欲聞食臭時如寒無寒如熱無熱口苦小便赤諸藥不能治得藥則劇吐利如有神靈者身形如和其脉微數每溺時頭痛者六十日愈若溺時頭不痛淅淅然者四十日愈若溺時快然但頭眩者二十日愈其證或未病而預見或病四五日而出或病

二十日或一月後見者各隨證治之

蓋詳百脉一宗悉致其病乃人身五臟六腑十二經絡皆致其病然雖臟腑百脉皆病終不離乎肺主氣心主血心營肺衛受邪也夫營行脉中衛行脉外晝日行陽二十五度夜行陰二十五度邪氣隨其營衛流行經脉臟腑朝會氣口以故見證不一爲百脉一宗悉致其病也若邪氣滯於胸中連及上脘則意欲食復不能食走於肝腎故常默默傳入太陰脾胃故欲臥不能臥欲行不能行邪去於胃飲食或有美時壅抑胃氣不伸則不欲聞食

臭時熱流於腎故如寒無寒虛邪鬱抑心包三焦
故如熱無熱轉於胆腑則生口苦流於膈肱並入
小腸故小便赤然藥入此臟而邪往彼臟藥力不
能追病所以諸藥不能治反傷胃氣得藥則劇胃
中營衛之氣不和吐利如有神靈外無表熱身形
如和脉微數者數爲陰虛微屬氣弱要知邪正氣
血皆虛纏綿爲病矣以上諸證非一日盡現是數
十日移易而見證若始起於肺遺與膈肱則子母
之氣合病然膈肱之氣下達則溺而溺時邪鬱於
巔不能下達故每溺時頭痛然膈肱太陽屬寒水

之經當以地六成之之數定期則當六日氣更轉
過一臟應當六十日終於五臟六腑故頭痛者六
十日愈若邪氣積於肺之皮毛而溺時通泄肺氣
故淅淅然因肺之經脉而不上頭故溺時頭不痛
但洒洒然矣以地四生金之數應之四日氣更轉
過一臟當行四十日終於五臟六腑故頭不痛而
淅淅然者四十日愈若邪鬱心包而木火通氣邪
併於肝故作頭眩溺時則小腸之氣下通而心氣
亦通故溺時快然以地二生火之數應期二日氣
更轉過一經是當二十日終於五臟六腑故快然

者二十日愈。若心營肺衛是動爲入病而預見。或
始起如寒無寒後見如熱無熱故曰四五日而出
也。若治感冒六淫之病以汗吐下虛其正氣餘邪
藏伏營衛之中故二十日一月後見病是當隨證
治之。

百合病見於陰者以陽法救之見於陽者以陰法救
之見陽攻陰復發其汗此爲逆見陰攻陽乃復下之
此亦爲逆。

此治百合病之要法也。邪正兩虛微邪伏於營衛
邪正流行而病當分陰陽以施救治陰陽者卽心

營肺衛之氣血也。病見於陰者，邪從陽分傳入於陰，必當先清氣分之邪，使氣邪清而不傳於陰。陽氣和而旋運，陰邪不能粘滯，則邪解而病自愈。故曰：見於陰者，以陽法救之。若邪在陽，則陽盛陰虛，當濟其陰以和其陽，使邪自去而熱自退。故曰：見於陽者，以陰法救之。設不以見陰和陽、見陽和陰而見陽反攻其陰，復發其汗，見陰反攻其陽而復下之，逆施倒行，誅伐無過，陰陽盡傷，故爲逆也。

百合病不經吐下發汗，病形如初者，百合地黃湯主之。此未病而預見之方也。不經吐下發汗而病形如

初乃始起病時就顯如寒無寒如熱無熱是因氣
血素虛受邪以隨經脉流行臟腑而現諸證若拘
證治證則藥至此而邪在於彼必無取効矧不因
吐下發汗而得是無偏陰偏陽之可責不必守其
經證而治但和心營肺衛之病源俟源清則病自
退故用百合味苦氣涼入肺以清氣熱生地黃入
心補血而涼血熱同泉水補陰而抑陽使陰陽和
而積熱並瘀血自從大便而去故曰當如漆也

百合地黃湯

百合 七枚

生地黃汁 一升

右以水洗百合浸一宿當白沫出去其水更以泉水二升煎取一升去滓內地黃汁煎取一升五合分溫再服中病勿更服大便當如漆

百合病一月不解變成渴者百合洗方主之

此病久不解變渴之方也一月不解邪火偏熾而鬱於胃消耗津液肺胃熱燥所以變渴邪氣不隨營衛流行痺着胃中又非百合病之常治矣病雖在胃始終百脉一宗而爲治法之綱故用百合漬水灌洗皮毛以清氣血統領之帥而助清肅之令

三行是脯俾木火漸平諸證皆瘳食以煮餅而調

養其胃勿以鹽豉恐其引入血分故也

右以百合一升以水一斗漬之一宿以洗身洗已食煮餅勿以鹽豉也

百合病渴不差者括萋牡蠣散主之

此用洗方渴不差而出方也洗方乃獨調肺胃受邪此母病子亦病邪連下焦腎與膀胱氣熱水虧因氣鬱不舒而上熱不散故洗之而渴不差更用括萋根清肺止渴而生腎水牡蠣收陰補腎又瀉膀胱之熱俾子母相生陰長陽消渴自止矣

括萋牡蠣散

括萋根

牡蠣分熬等

右爲細末、飲服方寸匕、日三服、

百合病變發熱者、百合滑石散主之、

此邪鬱肺氣爲病也、邪滯肺氣壅逆不流、故變發熱、方用百合、獨清肺氣之熱、滑石甘涼、以利諸竅、使膀胱與肺子母氣和、上通下達、便當微利、邪從膀胱而去、熱自除矣、

百合滑石散

百合

一兩

滑石

二兩

右爲散、飲服方寸匕、日三服、當微利者止服、熱則

除

百合病發汗後者百合知母湯主之

此下皆指二十日一月後見病之方也。先因感冒六淫之病發汗而傷肺胃津液餘邪未徹淫舍營衛之間故成百合病也。然肺氣熱而腎水則虛。肺之氣亦熱故用泉水同百合養陰而清肺熱之源。同知母以養腎水而瀉膀胱之熱。清金生水。得通調膀胱之氣得化病則愈矣。

百合知母湯

百合

七枚

知母

三兩

百合

君先以水洗百合、漬一宿、當白沫出、去其水、更煎
泉水二升、煎取一升、去滓、別以泉水二升、煎知母、
取一升、後合煎、取一升五合、分溫再服。

百合病下之後者、滑石代赭湯主之。

此下後變病之方也。下傷腎與膀胱之陰邪。膀胱
邪正化而爲熱。流行臟腑。故致百合病也。此卽
見於陰者。當以陽法救之。之證。故用泉水同百合。
先清肺氣上源之熱。而生腎水。俾膀胱之熱亦清。
同百合代赭鎮逆養血而和營衛。以滑石通陽而
利諸竅。邪從小便去矣。

滑石代赭湯

百合

七枚

滑石

三兩碎
綿裹

代赭石

如彈丸大
碎綿裹

右先以水洗百合浸一宿當白沫出去其水更以
泉水二升煎取一升別以泉水二升煎滑石代赭
取一升後合和重煎分溫服

百合病吐之後者百合雞子湯主之

此吐後變病之方也吐傷胸胃之陽津液亦傷微
邪以隨衛氣流行而成百合病也故用泉水同百
合清肺氣之熱雞子黃同泉水清熱而補胸胃
陽中之陰俾陰陽和而邪自散病則解正謂病發

於陽以陰法救之之證也

百合雞子湯

百合

七枚

雞子黃

二枚

右先以水洗百合、漬一宿、當白沫出、去其水、更以泉水二升煎取一升、去滓、內雞子黃攪勻煎五分、溫服。

狐惑病

狐惑之爲病、狀如傷寒、默默欲眠、目不得閉、臥起不安、蝕於喉爲惑、蝕於陰爲狐、不欲飲食、惡聞食臭、其面目乍赤、乍黑、乍白、蝕於上部則聲啞、甘草瀉心湯

主之蝕於下部則咽乾苦參湯洗之蝕於肛者雄黃
薰之

此濕熱致病也狐惑者外感風邪而挾木火相合
脾胃之間風濕相搏鬱蒸爲毒充斥流溢臟腑喉
肛隨處鬱結腐化氣血爲重故曰蝕於喉陰上下
等處然風濕相蒸身表發熱狀如傷寒邪入肝腎
則默默欲眠而肝竅開於目肝熱上壅目不得閉
邪乘於胃臥起不安蝕於喉者連及心肺所以爲
惑謂熱淫如惑亂之氣感而生惑也蝕於陰者連
於肝腎及肛所以爲狐謂柔害幽隱如狐性之陰

也邪氣流溢壅鬱於胃不欲飲食惡聞食臭蓋陽
明經脈循面入目而肝主色肝風以挾心火乘入
胃間循經上逆於面氣血不利或疎或滯則面目
乍赤乍黑乍白蝕於喉間連及肺氣閉而不通則
聲啞故用瀉心湯之芩連半夏專瀉風濕痰熱乾
薑苦溫散除脾陰之濕而爲嚮導以參朮甘棗健
脾養胃使元氣不衰升降之機得轉則邪氣得瀉
若蝕腎間陰水不能上供而咽乾者用苦參煎水
外洗裏服以燥陰分之濕卽殺虫去風之義也或
蝕大腸肛門而用雄黃薰之亦取驅風燥濕殺虫

解毒之意耳

甘草瀉心湯

甘草

炙四兩

黃芩

三兩

乾薑

三兩

半夏

半升

黃連

一兩

大棗

十二枚擘

人參

三兩

右七味以水一斗煮取六升去滓再煎取三升溫服一升日三服

苦參湯

苦參一升以水一斗煎取七升去滓燂洗日三服雄黃一味爲末筒瓦二枚合之燒向肛燂之病者脉數無熱微煩默默但欲臥初得之汗出三四

日。目。赤。如。鳩。眼。七。八。日。目。四。眚。黑。若。能。食。者。膿。已。成。也。赤。豆。當。歸。散。主。之。

此風濕內鬱爲病，將成狐惑之機也。脉數無熱，微煩，是表無熱而裏有熱矣。風鬱肝腎之氣不升，故默默但欲臥，溢心則汗出，然初得之時，邪氣還在於上。三、四日風熱氣壅於目，病在氣分，則目赤如鳩眼。至七、八日邪氣深入營血，壅滯不利，故目四眚。黑若能食者，風濕不乘於胃，乃流於腸，壅逆腸中，血氣不利而成腸癰，膿毒之類，故謂膿已成，用赤小豆去濕清熱而解毒，排膿當歸活血養正以

聖血中之風漿水屬陰、引歸豆入陰、驅邪爲使、斯治風濕流於腸胃而設、非狐惑之方也、

赤豆當歸散

赤小豆

三升浸令毛出曝乾

當歸

十兩

右二味杵爲散、漿水服方寸匕、日三服、

陽毒陰毒

陽毒之爲病、面赤斑、斑如錦紋、咽喉痛、唾膿血、五日可治、七日不可治、升麻鱉甲湯主之、○陰毒之爲病、面目青、身痛如被杖、咽喉痛、五日可治、七日不可治、升麻鱉甲湯去雄黃蜀椒主之、

陽者在天爲氣風暑火也感於人身陽經氣分猶
似風傷衛證未經發散傳至陽明多血多氣之腑
羈留日久壅滯營衛不通血氣大熱機將熟腐則
發陽毒在於肌肉皮膚之間故而赤斑斑如錦紋
陽火內逆上冲而咽喉痛邪熱蝕喉侵血則唾膿
血矣然定五日可治者五乃土數而爲一候土氣
衝和營衛未至殘敗故爲可治若經七日陰機化
滅陽氣獨盛致於自絕故不可治方用升麻鱉甲
湯之升麻甘草皆入陽明氣分升散風熱之邪雄
黃以搜肝木諸臟之風而和中解毒然陽熱過盛

必傷陰血而發於陽者當以陰法救之故用當歸
鱉甲擅走肝經滋陰活血而宜風鬱卽風氣通肝
血足風滅之義也木火通氣風鬱於中勢必挾同
相火上炎爲毒故以蜀椒分導火熱下行納歸其
根風邪則能上行而從汗出解也○陰者天之殺
氣卽寒濕燥也感於人之陰經血脈猶似寒傷營
證未經發散邪正相搏羈留日久一身管通受傷
凝滯不通旋運之機不轉管血大熱機將熱腐則
肌肉面目皆青身痛如被杖而爲陰毒熱毒上升
無所發越冲於咽喉故痛也至於五日一候土氣

冲和營衛未至傷敗故爲可治若經七日陽氣鬱
極陰血殘敗不可治矣然陰毒者非陰寒之陰卽
陰血受寒爲陰而血凝不散故成陰毒非關氣分
受風故去雄黃之燥不挾相火內炎故除蜀椒之
熱但用升麻甘草升散陽明血中之毒當歸鱉甲
養陰宣血和肝俾微汗出而毒自解矣後人不解
其義視爲陰寒直中變爲陰毒擬用霹靂散正陽
丹皆是未入仲景藩籬耳惟元時王安道辨非陰
寒直中可謂言直理正惜其又云天地惡毒異氣
混淆未明使後人無所措手近代徐註亦謂直中

陰寒久而不解爲毒然陰寒直中頃刻眞陽敗散而死豈待久而不解結成陰毒者乎若陰毒果屬直中陰寒仲景豈不知驅陰救陽爲急反於升麻、
驚甲湯中去雄黃之燥蜀椒辛熱之理哉試觀方後云服後老小再服取汗欲洩其毒此意甚明若屬陽虛陰寒豈有取汗而反傷其陽註家不察立言之意故釋鄙語而辯之

門生施學圃曰少陰所至爲瘍疹身熱少陽所至爲噎嘔瘡瘍乃時令風熱化爲斑疹非陽毒也金匱謂面赤斑斑如錦紋者是感風寒未經發散凝

金匱要略卷第三 主

滯氣血外傷皮膚肌肉內潰臟腑營衛氣血生死
立判謂之陽毒與內經不侔故予表之

升麻鱉甲湯

升麻 二兩

蜀椒

去汗 炒

雄黃

研 五錢

甘草 二兩

當歸

一兩

鱉甲

手指大 一片炙

右六味以水四升煮取一升頓服之老小再服取
汗陰毒去蜀椒雄黃

張仲景金匱要畧卷四

構李沈明宗目南甫編註

瘧

師曰瘧脉自弦、弦數者多熱、弦遲者多寒、弦小緊者、下之差、弦遲者可溫之、弦緊者可發汗、鍼灸也、浮大者可吐之、弦數者風發也、以飲食消息止之、

此以脉之遲數弦緊而分表裏寒熱陰陽虛實爲治瘧之綱也、瘧乃風寒各半兩傷營衛邪正相搏、更盛更虛故顯往來寒熱而謂之瘧、然風氣通於肝、所以瘧脉自弦、或見遲數不弦、乃偏暑濕燥也、

之邪不因風邪主病若弦而兼數乃陰虛陽盛則
多熱弦而兼遲乃陽虛陰盛則多寒弦小緊者寒
實之邪居於裏故下之差弦遲者風挾虛陽而寒
實故可溫之弦緊者寒邪偏多而深居營分寒凝
血實故可發汗或針灸浮大者風邪偏多衛分主
病而淺風性輕揚上浮故可吐之弦數者風多而
助木火謂之風發邪乘於胃消燦津液熱渴煩冤
當以甘寒飲食而救胃中津液煩渴則止卽蔗漿
梨汁之類故曰消息止之

陰氣孤絕陽氣獨發則熱而少氣煩冤手足熱而欲

嘔名曰痺瘧。若但熱不寒者，邪氣內藏於心，外舍分肉之間，令人消燂脫肉。

此卽經謂肺素有熱，氣盛於身，厥逆上衝，中氣實而不外洩，或有所用力，腠理開發，風寒舍於皮膚之內，分肉之間而發，謂之痺瘧。而肺素受熱，重感寒邪，內藏於心，心陽益盛，乘尅肺陰，爲陰氣孤絕，邪偏陽火熾盛，爲陽氣獨發。肺受火刑，則少氣煩冤，手足熱而欲嘔。然陽氣獨發，乃微有洒淅惡寒，則肺熱挾併心火，齊轉發熱如灼，卽熱多寒少，一九二八之分。故爲痺瘧。卽溫瘧其脉如平，不弦是。

也。邪氣藏心，心陽發病，肺邪不能復心爲寒，故但熱不寒。邪氣外舍分肉之間，所以消爍脫肉，蓋瘧病乃營衛兩受其邪，故顯往來寒熱。此偏於心肺氣分邪多，故但熱不寒而脉亦不弦也。

溫瘧者，其脉如平，身無寒但熱，骨節疼痛，煩時嘔，白虎加桂枝湯主之。

此溫瘧卽前瘧瘧而出方也。瘧乃營衛受邪，風寒相半，故往來寒熱，必見弦脉爲常。此偏肺素受熱，氣盛於身，陰氣先絕，陽氣獨發，邪熱偏客於心，不涉風木，主病故脉不弦而平。卽內經火淫所勝肺

氣受剋勝復之瘥也。然陽既獨發於心，不入陰分，則身亦無寒，而但熱。陽邪在表，惟有骨節疼痛，煩心火乘胃，耗乾津液，邪火上冲，所以時嘔。故用白虎湯養胃生津，救肺加桂枝和營衛，而驅偏表之邪，俾金清而生水，以水制火，則瘥自愈。

白虎加桂枝湯

知母

六兩

石膏

一斤

甘草

二兩

粳米

二合

桂枝

去皮
三兩

右五味以水一斗煮米熟湯成，去滓溫服一升，日三服。一云右剉每五錢水盞半煎至八分去滓溫

服汗出愈

瘧多寒者名曰牡瘧、蜀漆散主之、

此寒多熱少之方也、瘧多寒者如三。七。二。八。之。分。也、瘧發必因衛邪入於營、分則寒、營邪出衛則熱、此屬衛邪多而營邪少、衛邪拒格、營邪不得外出、入衛爲熱、故寒多而熱少、方用蜀漆散和漿水吐、其胸中拒格之邪、則營分之微邪亦隨上出一舉、兩得而蕩逐無餘、蓋蜀漆乃常山苗也、常山善吐、此不用常山而用蜀漆者、取其苗性輕揚、以入重、陽之界、引拔其邪、合之龍骨、鎮心寧神、蜀除伏氣、

本草謂雲母甘平屬金主肺而肺金得補則陰水
自生衛陽之邪不得入陰反從上出牡瘡愈矣

蜀漆散

蜀漆

洗去腥

雲母

燒二日夜

龍骨

等分

右三味杵爲散未發前以漿水服半錢匕○溫瘧
加蜀漆半分臨發時服一錢匕

病瘧以月一日發當以十五日愈設不差當月盡解
如其不瘥當云何此結爲癥瘕名曰瘧母急治之宜
驚甲煎丸

此明瘧母而出方也天之寒邪賊風感人虛經臟

肺營衛兩受更盛更虛證見往來寒熱故爲瘧也然瘧邪相搏必應天地之氣虛實進退轉動病機故月一日發者發於黑晝月月廓空時氣之虛也當候十五日一氣來復白晝月月滿之時天氣實而人氣復邪氣退而病當愈設不瘥必候天氣再轉故當月盡解如其不瘥又當云何然月自虧而滿陰已進而陽已退自滿而虧陽已長而陰已消天地陰陽運動進退消長已遇病尚不愈是屬營衛已虛正氣不能敵邪外出故不應天地之氣進退消長邪反羈留搏聚左右脇下隱僻空處相

痰。血。成。形。結。爲。癥。瘕。名。曰。瘕。母。日。久。根。深。牢。不。可。
拔。故。曰。急。治。方。用。鱉。甲。煎。者。以。鼃。灰。浸。酒。煮。甲。如。
膠。其。味。鹹。平。專。入。肝。經。血。分。養。陰。而。消。癥。瘕。爲。君。
小。柴。胡。桂。枝。合。大。承。氣。三。湯。總。去。三。陽。表。裏。未。結。
之。邪。爲。臣。但。嫌。甘。草。之。緩。枳。實。破。氣。直。下。故。去。之。
人。參。白。朮。阿。膠。以。養。氣。血。之。正。爲。佐。然。外。邪。必。假。
痰。血。結。爲。癥。瘕。以。四。蟲。合。桃。仁。牛。夏。消。血。化。痰。凡。
成。癥。瘕。正。氣。必。結。以。烏。扇。葶。藶。宣。導。肺。氣。之。結。石。
葶。瞿。麥。通。利。小。便。而。滲。氣。分。之。濕。乾。薑。以。驅。血。中。
之。寒。丹。皮。紫。葳。能。行。血。滯。而。清。風。化。之。熱。爲。使。手。

金方去赤硝鼠婦加海藻大戟賊能軟堅破其堅
壘化水尤善

鰲甲煎丸

鰲甲

十二分炙

烏扇

二分燒即射干

黃芩

三分

柴胡

六分

鼠婦

三分熬

乾薑

三分一

大黃

三分

芍藥

五分

桂枝

三分

葶藶

一分熬

石韋

三分去毛

厚朴

三分

牡丹

五分去心

瞿麥

二分

紫葳

三分即凌霄花

半夏

一分

人參

一分

廬蟲

五分熬

阿膠

二分炙

蜂窠

四分炙

赤硝

十二分

塊礬

六分熬

桃仁

二分

右二十三味

爲末取煅竈下灰一斗清酒一斛五

斗浸灰俟酒盡一半着鱉甲於中煮令泛爛如膠漆絞取汁納諸藥煎爲丸如梧桐子大空心服七丸日三服

論曰夏傷於暑熱氣盛藏於皮膚之內腸胃之外營氣之所舍也令人汗空疎腠理開因得秋氣汗出遇風及得之以浴水氣舍於皮膚之內與衛氣並居乃明營分受暑衛分受風或挾水寒而營衛兩受其邪更盛更虛陰陽相爭故爲瘧也然有衛分受風營分受寒或衛分受熱營分受濕皆顯往來寒熱但營衛兩受其邪瘧病之常而後人不察

經旨但言上半日屬陽分、下半日屬陰分、遺其營衛兩受於邪之大陰陽不用營衛二分之藥故治瘧病不中式者多矣、又有先傷於寒而後傷於風、先傷於風而後傷於寒、故先熱而後寒、先寒而後熱、也有五臟六經之瘧、一日發、二日發之瘧、內經悉備、所以金匱不復再陳、僅補脉之弦、緊、遲、數、而辨風寒偏多偏少、證補陰氣孤絕之痺瘧、寒多之牡瘧、邪結之瘧母、乃內經未發之旨、故出白虎加桂枝湯、蜀漆散、鱉甲煎丸、欲人觀其立方之意、卽偏多偏少偏寒偏熱與陰陽平半等瘧、卽能觸處。

成方矣

附外臺秘要三方

牡蠣湯治牡瘡

牡瘡卽仲景謂瘡多寒者是也。因衛邪多而拒格。營之微邪不出。所以寒多熱少。故以牡蠣收陰養正。而截瘡。甘草和中。以麻黃取汗通陽而驅營分之邪。蜀漆以吐上焦衛分之熱。深得仲景之意。故附錄參考。

牡蠣 四兩

麻黃 四兩
去節

甘草 二兩

蜀漆 三兩

右四味以水八升先煮蜀漆麻黃去上沫得六升

內諸藥煮取二升溫服一升若吐則勿更服
柴胡去半夏加栝婁根湯治瘧病發渴者亦治勞
瘵

小柴胡湯陰陽表裏兩解之方也瘵乃營衛風寒
兩受之證故用之而爲兩解余謂方中加芎歸以
驅營分之邪尤妙若瘵病發渴者木火乘於胃中
消耗津液故去半夏之燥加栝婁根清熱生津止
渴則營衛和而瘵自愈勞瘵必因擾動營衛不和
所致以此和之故亦治也

柴胡

八兩

人參

黃芩

甘草

各三兩

括蕒根

四兩

生薑

二兩

大棗

十二枚

右七味以水一斗二升煮取六升去滓再煎取三升溫服一升日二服

柴胡桂薑湯治瘧寒多微有熱或但寒不熱服一劑如神

寒多微有熱亦三七二八之分也衛邪入營則寒營邪相隨衛氣行陽則熱此衛邪多而營邪少衛實拒格營中微邪不能外出與衛氣相爭爲熱故寒多微有熱若衛邪過盛營邪全不能出但寒不熱耳方用柴胡桂枝甘草以驅衛分之邪黃芩半

夏括蕤根清熱化痰而和裏氣乾薑溫散營血之微寒牡蠣以破堅壘而益真陰俾汗出則衛邪自去瘧病以除故服一劑如神

柴胡

半斤

桂枝

三兩

乾薑

二兩

括蕤根

四兩

黃芩

三兩

甘草

二兩

牡蠣

二兩

右七味以水一斗煮取六升去滓再煎取三升溫服一升日三服初服微煩復服汗出便愈

張仲景金匱要畧卷五

楊李沈明宗目南甫編註

中風

夫風之爲病、當半身不遂、或但臂不遂者、此爲痺、脉微而數、中風使然、

此分中風與痺也、風之爲病、非傷於氣、卽侵於血、故當半身不遂、但臂不遂者、邪氣入於肢節之間、故爲痺、痺者、邪氣閉塞經隧、氣血不通、較之中風、則又輕也、然脉微爲陽氣微、而受風數、則風邪化而爲熱、此氣血虛而風客、故脉微而數、爲中風使

然蓋微數之脉是血虛風熱之實。若見浮緩則爲陽弱虛風矣。

寸口脉浮而緊，緊則爲寒，浮則爲虛。寒虛相搏，邪在皮膚。浮者血虛，絡脉空虛，賊邪不瀉，或左或右，邪氣反緩，正氣卽急。正氣引邪，喎僻不遂。邪在於絡，肌膚不仁。邪在於經，卽重不勝。邪入於腑，卽不識人。邪入於臟，舌卽難言，口吐涎。

此營血素虛，寒風入中也。風中於表，則脉浮。冬時寒風中血，故寸口脉浮而緊。然寒風初入營血，故見脉緊。爲寒久，則風化爲熱，則緩而不緊矣。血虛

受風謂浮則爲虛、內挾於寒、故曰虛寒相搏、邪在
皮膚、言始中之淺也、血虛不能充滿、經絡爲絡脉
空虛、正氣不能送邪外出、所以賊邪不瀉、賊邪者、
卽從所不勝來者之風也、或左血右氣之中、賊邪
纏綿不散、而反爲緩、正氣日衰、故爲卽急、正氣虛
處、引邪而進、閉塞經絡、營衛不利、則爲喎僻、不送
喎僻者、邪犯陽明、少陽、經終口眼歪斜是也、不送
者、半身手足不用也、週身之絡皆在肌肉皮膚之
間、風邪痺於絡脉、氣血不行、則爲不仁、羈持經氣
不能周行通暢、則重不勝、邪入於腑、者塞胸間、神

機不能出入鑒照則不識人入於五臟併奏於心
臟其不能溉灌於舌舌卽難言風乘於胃胃熱則
緩臟氣不攝廉泉開而涎沫出矣

寸口脉遲而緩遲則爲寒緩則爲虛營緩則爲亡血
衛緩則爲中風邪氣入經則身癢而癰疹心氣不足
邪氣入中則胸滿而短氣

此衛陽氣虛而招風中也寸口脉遲者真陽氣虛
陰寒氣盛故曰遲則爲寒正氣虛而受風脉則緩
而不緊故曰緩則爲虛然緩有二辨若見亡血爲
緩在內氣虛不攝則內病亡血若見中風爲緩在

外。乃。陽。虛。衛。弱。而。招。風。中。若。營。衛。未。致。大。虛。邪。氣。不。能。內。入。持。於。經。絡。風。血。相。搏。風。邪。主。病。則。發。身。癢。癢。疹。邪。機。外。出。之。徵。卽。風。強。而。爲。癢。疹。是。矣。若。心。氣。不。足。正。不。禦。邪。進。而。擾。亂。於。胸。大。氣。不。轉。津。液。化。爲。痰。涎。則。胸。滿。短。氣。是。心。肺。中。風。爲。病。也。蓋。賊。風。內。入。最。怕。入。心。乘。胃。而。成。死。證。所。以。本。論。垂。此。二。篇。妙。義。則。思。過。半。矣。

論曰。經謂四時風之爲病。或爲寒熱。或爲熱中。或爲寒中。或爲癘風。偏枯。腦風。目風。內風。漏風。首風。腸風。泄風。五臟六腑之風者。蓋因風性善行數變。

無所不至也。或腠理開則灑然寒，閉則熱而悶。寒衰，食飲熱消，肌肉快慄，寒熱目黃，泣出而爲大綱。須以靈素金匱互明，脉證常變之法，使人觸類旁通。治病則妙用無窮。夫脉微而數爲風，脉之正浮緊遲緩爲風，脉之變浮爲血虛，風入之正緊爲血虛，風入之變遲乃真陽不足之正，緩爲衛氣不充之變。然半身不遂爲中風之正，但臂不遂爲中風之變。曰皮膚絡脉左右緩急，喎僻不遂，皮膚不仁，卽重不勝，卽不識人，舌卽難言，口吐涎沫，身癢癢，疹胸滿短氣，諸證者是。欲後人悟明表裏陰陽臟

腑氣。血管。衛虛。實寒。熱標。本常變。諸法。而治。中風。則信手拈來。頭頭是道矣。

侯氏黑散治大風四肢煩重。心中惡寒不足者。外臺治風

直。侵。肌。肉。臟。腑。故。爲。大。風。邪。困。於。脾。則。四。肢。煩。重。陽。氣。虛。而。風。未。化。熱。則。心。中。惡。寒。不。足。故。用。參。朮。茯。苓。健。脾。安。土。同。乾。薑。溫。中。補。氣。以。菊。花。防。風。能。驅。表。裏。之。風。芎。藭。宣。血。養。血。爲。助。桂。枝。導。引。諸。藥。而。開。痺。着。以。礬。石。化。痰。除。濕。牡。蠣。收。陰。養。正。桔。梗。開。提。邪。氣。而。使。大。氣。得。轉。風。邪。得。去。黃。芩。專。清。風。

化之熱細辛祛風而通心腎之氣相交以酒引藥至周身經絡爲使也

侯氏黑散

菊花

四十
分

白朮

十分

防風

十分

桔梗

八分

黃芩

五分

細辛

三分

乾薑

三分

人參

三分

茯苓

三分

當歸

三分

川芎

三分

牡蠣

三分

礬石

三分

桂枝

三分

右十四味杵爲散酒服方寸匕日一服初服二十日溫酒調服禁一切魚肉大蒜常宜冷食六十日止卽藥積在腹中不下也熱食卽下矣冷食自能

助藥力

風引湯除熱癰癧

治大人風引少小驚癰惡癧日數十發醫所不療除熱方外臺

熱風而乘血虛中入邪正相搏木火互征風化爲
熱則心熱熾盛血脉痺着故成熱癰癧也是以大
黃下徹心脾之熱龍牡收攝心腎相交牡蠣同寒
水石濟水之主而鎮陽光赤白二脂紫石英以養
心脾之正石膏專清風化之熱滑石以利竅通陽
桂枝甘草和營衛而驅風外出然以大黃石膏牡
蠣寒水石諸寒藥爲君者因時令熱風之製恐寒
涼太過致傷胃氣故用乾薑溫中爲佐巢氏治脚

氣因其藥性下達龍牡收鎮心腎故也

風引湯

大黃

四兩

乾薑

四兩

龍骨

四兩

牡蠣

二兩

桂枝

三兩

甘草

二兩

寒水石

滑石

赤石脂

白石脂

紫石英

石膏

各六兩

右十二味杵粗篩以葦囊盛之取三指撮井花水三升煮三沸溫服一升○巢氏云脚氣宜風引湯防已地黃湯治病如在狀妄行獨語不休無寒熱其脉浮○頭風摩散

頭風應宜別論原文不便分出故連註也蓋熱風

邪入於心。風火相搏。神識躁亂不寧。故如狂狀矣。
行而心主語。風火熾盛於心。獨語不休。經謂心風。
焦絕善怒。嚇是也。風邪入內。表無寒熱。但脉浮耳。
此少陰時令。感冒風火入心。是爲溫熱病之製。非。
治中風之方。乃編書者誤入。然中風證。非四肢不。
收。卽喎僻半身不遂。何能得其狂狀矣。行讀者詳。
之。因心經血虛火盛受風。故用生地。凉血養血爲。
君。乃取血足風滅之義。甘草以和營衛。防風防已。
驅風而使外出也。頭風用摩散者。乃寒風入於經。
絡。故用附子味辛大熱。摩其患處而散寒。鹽能引。

入血分祛邪故也

防已地黃湯

防已一分

甘草一分

桂枝三分

防風三分

右四味以酒一盃浸之一宿絞取汁、生地黃二觔、
咬咀蒸之如斗米飯久以銅器盛其汁更絞地黃
汁和分再服

頭風摩散

大附子

一枚

鹽等分

右二味爲散沐了以方寸匕以摩疾上令藥力行
附方

古今錄驗續命湯治中風痲身體不能自收持口不能言冒昧不知痛處或拘急不得轉側靈樞云痲之爲病身無痛者四肢不收智亂不甚其言微甚則不能言不可治故後人倣此而出方也風邪入於臟腑營衛經絡皆痺則身體不能自收持口不能言痺着營衛所以冒昧不知痛處然風氣通肝肝之經絡受邪在外則拘急不能轉側故用麻黃湯通陽使邪從表而出然痲因氣血大虧所致故以乾薑芍歸人參溫補氣血爲本加石膏辛甘能散風化之熱但邪機內向而無汗者故

用麻黃開腠散邪若自汗者當易桂枝湯加諸藥則善

麻黃

三兩

桂枝

三兩

杏仁

四十粒

甘草

三兩

乾薑

二兩

石膏

三兩

川芎

一兩五錢

當歸

三兩

人參

三兩

右九味以水一斗煮取四升溫服一升當小汗薄覆春憑几坐汗出則愈不汗更服無所禁勿當風並治但伏不得臥欬逆上氣面目浮腫千金三黃湯治中風手足拘急百節疼痛煩熱心亂惡寒經日不欲飲食肝主筋節邪在肌表筋節應之手足拘急百節疼

痛肝風乘心則煩熱心亂然心虛則熱收於內外
反惡寒矣木邪橫格胃氣不伸經日不欲飲食此
邪尚在三陽經絡故用麻黃開腠通陽恐其虛風
不任麻黃發散以黃芪制之獨活細辛以疏心腎
之氣相交邪即外出黃芩專清風化之熱也

麻黃

五分

獨活

四分

細辛

二分

黃芪

二分

黃芩

三分

右五味以水六升煮取二升分溫三服一服小汗
二服大汗心熱加大黃二分腹滿加枳實一枚氣
逆加人參三分悸加牡蠣三分渴加栝萐根三分
先有寒加附子一枚

近効方、木附湯治風虛頭重眩苦極、不知食味、
肌補中益精氣、

脾腎氣虛、招風中入、風氣通肝、乘於脾胃、中氣虛、
而不能主持、風爲掉眩、故頭重眩苦極、胃氣不伸、
則不知食味、然陽虛則肌肉不溫、所以附子補陽、
而生脾土、甘木健脾溫胃、所謂煖肌補中、卽是益
精氣也、

白朮 一兩

附子

一枚半
炮去皮

甘草

一兩
炙

右三味、剉每五錢匕、薑五片、棗一枚、水盞半、煎七
分、去滓溫服、

千金方越婢加朮湯治肉極熱則身體津脫腠理開汗大泄厲風氣下焦脚弱

風入於胃風濕相蒸則肉極熱故腠理開津液外越則汗大泄爲身體津脫而陽明胃腑營衛之源多血多氣之經賊邪壅遏於胃熱蒸營衛則肌肉腐爛而爲厲風下焦脚弱者亦屬陽明氣虛風濕所致故用甘朮薑棗補胃而行營衛麻黃輕浮以微風氣從表而出雖汗大泄而爲表虛得白朮石膏清散陽明風熱俾邪去汗不泄矣

麻黃 六兩

石膏 半觔

甘草 二兩

生薑

二兩

白朮

四兩

大棗

十五枚

右六味以水六升先煎麻黃去上沫內諸藥煎取三升分溫三服惡風加附子一枚

歷節

寸口脉沈而弱沈卽主骨弱卽主筋沈則爲腎弱卽爲肝汗出入水中如水傷心歷節痛黃汗出故曰歷節

此肝腎虛而傷水病歷節黃汗之因也經以兩手寸關尺皆爲寸口此寸口者卽兩手脉沈而弱也沈爲腎氣不足而主骨弱爲肝血虛而主筋然肝

腎氣血不足則寸口脈沉而弱。汗出入水。水濕傷而流於關節。筋骨之間爲邪在表。則病歷節而不病。黃汗或內入傷營。爲入水傷心。則病黃汗矣。然傷邪雖一病。分表裏不同。此總結爲歷節。黃汗出。故又曰歷節也。蓋觀下文。是非盡屬外邪所致。或飲酒內濕。或汗出當風。風寒濕內外相合成痺。妙義無窮。讀者詳之。

味酸則傷筋。筋傷則緩。名曰泄。鹹則傷骨。骨傷則疼。名曰枯。枯泄相搏。名曰斷泄。營氣不通。衛不獨行。營衛俱微。三焦無所御。四屬斷絕。身體羸瘦。獨足腫大。

黃汗出、脛冷、假令發熱、便爲歷節也、

此互前條飲食內傷肝腎卽同虛勞、若受外邪、則爲歷節、黃汗之證也、經云、謹和五味、骨正筋柔、血氣以流、腠理以密、此因五味不調、味過於酸、則傷肝、肝主筋、而肝傷則筋亦傷、筋傷則縱緩不收、血亦不斂、故名曰泄、味過於鹹、則傷腎、腎主骨、而腎傷則骨亦傷、骨傷則髓不滿、痿弱內乾、故名曰枯、若受外邪襲於營血、則精血不流、所以爲斷、濕熱傷肝、消耗精血、而爲泄、筋緩精枯、故謂枯泄相搏、名爲斷泄、但營衛本相依附而行、邪侵營血、血瀉

疑滯衛不獨行營衛不長以致俱微三焦而無所
御御者統也乃陰陽營衛皆不統溢於四肢故曰
四屬斷絕而邪熱內蒸消耗氣血肌肉外顯身體
羸瘦風濕下流氣血壅滯獨足腫大矣若黃汗出
脛冷者乃外水傷於營血則爲黃汗若發熱者邪
居關節之表乃病歷節而不病黃汗也
跌陽脉浮而滑滑則穀氣實浮則汗自出

此診跌陽則知胃家內濕招風爲病也跌陽脉浮
浮爲風邪入胃滑屬水穀爲病此顯脉浮而滑者
乃素積酒穀濕熱招風爲穀氣實然內濕外風相

蒸風熱外越津液隨之故汗自出也

少陰脉浮而弱弱則血不足浮則爲風風血相搏即疼痛如掣

此少陰乃指左寸心脉也心主血而脉弱則爲血不足浮則爲風血虛風客痺着經隧風血相搏故疼痛如掣即經風氣勝者爲行痺是也

盛人脉濇小短氣自汗出歷節疼不可屈伸此皆飲酒汗出當風所致

此內濕外風表裏合病也體盛之人脉應盛而反濇小即知正虛濕盛之故因素積酒穀濕熱熱蒸

腠理開而招風內襲、挾痰痺着胸間、則爲短氣、風邪入胃、內濕合蒸、則自汗出、然表風連胃、內濕應經、風濕交合於關節之間、故歷節疼、不可屈伸、此飲酒汗出當風、內外合邪所致病也、

諸肢節疼痛、身體尪羸、脚腫如脫、頭眩短氣、溫溫欲吐、桂枝芍藥知母湯主之、

此久痺而出方也、肢節疼痛、邪氣痺於骨節、表裏之間、而脾主肌肉、胃爲表裏、胃受痺邪、脾氣亦不充於肌肉、故身體尪羸、風濕下流、脚腫如脫、上行則頭眩、短氣、擾胃則溫溫欲吐、乃脾胃肝腎俱虛、

足三陰表裏皆痺難拘一經主治故用桂枝芍藥
甘木調和營衛充益五臟之元麻黃防風生薑開
腠行痺而驅風外出知母保肺清金以使治節經
謂風寒濕三氣合而爲痺以附子行陽燥濕除寒
爲佐也

桂枝芍藥知母湯

桂枝

四兩

芍藥

三兩

甘草

二兩

麻黃

二兩

生薑

五兩

白朮

四兩

知母

四兩

防風

四兩

附子

二兩炮

右九味以水七升煮取二升溫服七合日三服
病歷節不可屈伸疼痛烏頭湯主之

此寒濕歷節之方也。經謂風寒濕三氣合而為痺。此風少寒濕居多。痺於筋脉關節肌肉之間。以故不可屈伸疼痛。即寒氣勝者為痛痺是也。所以麻黃通陽出汗散邪而開痺着。烏頭驅寒而燥風濕。芍藥收陰之正。以蜜潤燥兼制烏頭之毒。黃芪甘草固表培中使痺着開而病自愈。謂治腳氣疼痛者亦風寒濕邪所致也。

烏頭湯 ○ 亦治腳氣疼痛不可屈伸。

麻黃 三兩

芍藥 三兩

黃芪 三兩

甘草 三兩

烏頭

五枚 味咀以蜜二升煎取一升即出烏頭

右五味咬咀四味以水三升煮取一升去滓內蜜煎中更煎之服七合不知更服之

論曰經云風寒濕三氣雜至合而爲痺謂痺之本也又風勝爲行痺寒勝爲痛痺濕勝爲着痺者乃痺證之三大綱也經有五臟六腑之痺有脉痺皮痺筋痺肌痺骨痺靈樞有上下移徙隨脉左右相應各在其處更發更止更居更起以右應左以左應右爲衆痺有在血脉之中隨脉以上隨脉以下不能左右各當其所真氣不能周而爲周痺此皆外邪致病之常也金匱補示飲食內傷脾胃心肺

肝腎致病名曰歷節。然出脉證皆因飲酒濕壅內熱而招外邪合病。謂飲酒汗出當風所致。卽邪之所乘其氣必虛是矣。然或外風而合內濕內風而招外濕外寒而合內濕內熱而招外濕此等關頭不可不曉。又當分別風寒濕氣偏多偏少而處發表溫中行陽補虛散邪之法。故治此當與靈素金匱合看則備。若泛用成方則非良工所爲之事也。

礬石湯治脚氣衝心

夫脚氣一證仲景不出專論。但附一方觀其湯下云。治脚氣衝心。然脚氣因風濕寒濕熱所致。經

云傷於濕者下先受之陰病者下行極而上因上中二焦之氣先虛脾濕下流相招外邪互蒸成熱上衝於心卽地氣加天之謂也故用礬石味酸性溫煎湯淋洗善能收濕澄濁清熱解毒然濕從下受當使下滲而去則不衝心矣

礬石

二兩

右一味以漿水一斗五升煎三五沸浸腳良

附方

崔氏八味丸治脚氣上入少腹不仁少腹乃屬肝腎之地腎中元陽氣虛胃關不利陰

濕上逆以挾腎中寒濕痺着少腹故致不仁而與
濕熱衝心者大殊用六味丸固攝真陰使不上逆
桂附行陽以利機關逐濕開痺俾真氣漸充少腹
鬆軟而病自退矣

乾熟地

八兩

山茱萸

四兩

薯蕷

四兩

澤瀉

三兩

茯苓

三兩

牡丹皮

三兩

桂枝

一兩

附子

一兩

右八味末之煉蜜和丸梧子大酒下十五丸日再服